



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXXIII. Gregorii Papae I. Ad Dynamivm Et Avreliam. Vt ad meliora
orationi semper intenti proficiant, & de codice transmittendo.

urn:nbn:de:hbz:466:1-15221

Mense Iulio, indictione decimaquinta.

EPISTOLA XXXIII.

GREGORII PAPÆ I.

AD DYNAMIVM ET AVRELIAM.

Vt ad meliora orationi semper intenti proficiant, & de codice transmittendo.

Gregorius Dynamio & Aureliæ per Franciam.

SCRIPTORVM vestrorum pagina lectione percursa, magnam nobis studio vestro contulit indicato latitudinem; quia per hoc quod vos sacræ lectionis pabula querere, & supernæ patriæ desiderare gaudia nuntiauit, dilectionem vestram religiosam conuersationem non solum amare nomine, sed etiam tenere vita monstrauit. Et quoniam desiderata vos adepturos esse confidimus, vehementi vobis cor nostrum exultatione congaudet. Nam quia huiusmodi desiderium gratia diuina non deserat, ipsa nos veritas testimonio suæ vocis informat dicens: *Omnis qui quaerit inuenit, qui petit accipit, & pulsanti aperietur.* Hac itaque fulti certitudine, de eiusdem Redemptoris nostri misericordia nihil ambigere, sed spe debemus indubitate presumere. Nec enim muneris sui largitate frustrabitur, sed vires obtinendi prorsus indulget, qui velle concessit. Nam iam hoc ipsum desideranter appetere, donum est. Quia tamen ita de gratia debemus superna presumere, ut non simus negligentes in oratione vel opere, voce item eiusdem veritatis exprimitur: *Oportet semper orare, & non deficere.* Petamus igitur orando, queramus legendō, pulsēmus operando. Sit igitur mens vigilans, sit vndeque suspecta, sit ubique sollicita, ut insidiantis possit semper laqueos praecauere. Sed quia quanto hostis noster cautum contra se vnumquemque cognoscit, tanto corda sibi resistentium subtili molitur arte subuertere, omnipotentem Dominum assiduis lacrymis & deprecatione poscamus, ut nos veneni eius non finiat infectione corrumpi; sed contra certamina, & latentes suggestiones quas ingerit, potentia suæ nos scuto circumtegat, in quo iacula illius illata frangantur, & cor nostrum percussionis ipsius contactu non vulneretur, sed gratiæ suæ dono eius nobis infidias & in-

Concil. Tom. 13.

Cccc ij

*Math. 7.
Luc. 11.*

Luc. 18.

telligere donet, & vincere. Codicem vero quem dirigeremus, talem, qui vos vt petitis instrueret, minime paratum habuimus, sed in subsequenti transmittemus.

EPISTOLA XXXIV.

GREGORII PAPÆ I.

AD DOMINICAM.

Hortatur vt ad virum suum Romæ occupatum veniat.

Gregorius Dominicæ uxori Ioannis.

LAETOS nos vestræ nimis epistolæ reddiderunt, quod vos vnitati ecclesiæ sociatam, Deo protegente, cognouimus. Et quidem sicut & ipsa scribis ante hoc facere debuisti, quia talis viri coniugem nec ad modicum esse decuit a communionis vnitate disiunctam. Considerare enim debuisti, gloria filia, quanta multitudo fidelium in matris ecclesiæ sinu consistat, quantisque virtutibus sacerdotes, qui in ista fide defuncti sunt, coruscarunt, vel quanta adhuc corpora sua miracula faciant, atque eos non dijudicare, sed plus tantis viris ac sacerdotibus quam tibi credere debuisti. Inter hæc tamen omnipotenti Deo gratias agimus, qui ita cordi vestro lumen suæ veritatis infundit, vt erroris sui pulsæ caligine, rectam vobis viam, quam sequi & tenere debeatis, ostenderet. Gloriosum autem coniugem vestrum, quoisque viuimus, a nobis dimittere nolumus; & ideo eum ad vos reuerti nullatenus confidatis. Et quidem ipse ad vos venire desiderat, sed postquam in ciuitate Romana est, non potest, non ei licet; quia amoris nostri omnino tenetur vinculis alligatus. Melius est ergo vt vos ad eum venire modis omnibus festinetis; quia caput suum potius membra & sequi debent, & quocumque iuerit comitari.

EPISTOLA XXXV.

GREGORII PAPÆ I.

AD BONVM EPISCOPVM MESSANENSEM.

Devasis sacris pro redemptione captiuorum distrahendis.

Gregorius Bono episcopo Messanensi.

ET sacrorum Canonum, & legalia statuta permittunt, ministeria ecclesiæ pro captiuorum esse redemptione